



UNIVERSITÄTS-
BIBLIOTHEK
PADERBORN

**Tractatus De Executoribus Vltimarvm Volvntatum duorum
celeberrimorum iurisconsultorum**

Canis, Johannes Jacobus

Constantia, 1593

VD16 ZV 2896

Intra quod tempus oporteat executionem fieri. Titul. 7.

[urn:nbn:de:hbz:466:1-63406](https://nbn-resolving.org/urn:nbn:de:hbz:466:1-63406)

quos vulgò honorarios appellamus. Nec quisquam putet ad hos periculum nullum redundare. Constat enim hos quoque excussis prius facultatibus eius, & qui gessit, conueniri oportere. Dati sunt enim quasi observatores actus eius, & custodes: imputabiturque eis quandoque, si malè eum conuersari videbant, suspectum non fecerint. Assidue igitur & rationem ab eo exigere eos oportet, & sollicitè curare, qualiter conuersetur: & si pecunia sit, que deponi possit, curare vt deponat ad pradiorum comparationem. Blandiuntur enim sibi, qui putant honorarios tutores omnino non teneri. Tenentur enim secundum ea, que supra ostendimus.

~ ~ ~ ~ ~

Intra quod tempus oporteat executionem fieri. Titul. 7.

S Y M M A R I V M.

1. Executio legatorum, quantum tempus habeat: & quando illud cedat.
2. Legatorum piorum executioni sex menses dantur. limit. num. 3.
4. Hæres non debet procrastinare, re, cuius executio mandata est, existente in bonis testatoris.

s. Magi.

5. Magistratus, quomodo accipiatur in executione vltimarum voluntatum.
6. Tempus exequendi præscriptum, annale, vel semestrale, an cedat executori impedito ex iusta causa.
7. Executor designatus à testatore, si nolit executionem suscipere, an cogi possit. limit. num. 8.
9. Tempus exequendi testatoris voluntatem, cedit à die sententiæ & aditæ hæreditatis.

Illud † conuenit inter omnes, annum præscribi regulariter ad executionem legatorum: quod tempus cedit à die monitionis, quam vel magistratus ciuiliſ vel ecclesiasticus fecerit. Auten. Hoc amplius. C. de fideicommiss.

Piorum † verò legatorum executioni sex menses dantur, numerandi ab insinuatione testamenti. Nouell. de ecclesiast. tit. 5. si legatum.

Vtrunq; autem † accipiendum est. Primum, vbi nullum tempus à testatore fuerit expressum. Nam illud omnino seruari oportet, vt supra probauimus. Deinde de his executionibus, quæ in faciēdo consistūt, & tali tempore possunt expediri. Ceterum, si declarandi fortè arbitrij ratio tractetur, puta, testator reliquit pauperibus, quos Sempronius esset electurus: tunc elapso anno episcopus non potest arbitra-

ri, teste Bartolo in l. cum quidam. ff. de leg. 2. quem sequitur Panormitanus in c. nos quidem, de testa. Longa enim differentia est inter executionem, & declarationem arbitrij: sicut & inter iudicem pronuntiantem, & executores pronuntiatum.

4 Secundum, si res, † cuius executio mandata est, extet in bonis testatoris, certè nõ debet haeres sine legitima causa differre vltimam voluntatem. Nunquam enim indulgendum est damnosis dilationibus l. cum res l. domus §. in pecunia. ff. de lega. 1. l. si pecuniam. ff. de leg. 2. Quid ergo fiet? Ex bono & equo magistratus negotium perpendet: vtrum de tota hereditatis executione, an de vna aliqua vel altera re tradenda tractetur, perpensis personarum & bonorum circumstantijs.

5 Magistratum † autem intellige civilem, vel ecclesiasticum. Nam Panormitanus rectè notat, mixti esse huiusmodi iurisdictione fori: vt etiam iudex civilis ad executionem piarum causarum possit impartiri officium suum in c. si heredes. de re sta. per §. si quis adificationem. Nouell. de eccl. tit. Est ergo locus praeventioni.

Ter-

Tertium, quid autem, si legitima ex t̄ causa 6
impediatur executor, cedētne tempus annale
vel semestre? Breuiter. Minimè cedit. Quia
primum, quomodo curret tempus ad exequen-
dum ei, qui non potest exequi? c. quia diuersi-
tatem. De concessio. præben. c. imputari. de
regu. iuris. lib. 6. Deinde, episcopi officium sup-
plet negligētiam executoris. Sed impediti nul-
la est negligentia. Ergo non potest se epi-
scopus ingerere. Ita tandem concludit Panor-
mitanus, in repetitione c. cūm esses, de testa-
men.

Quartum: quid autem, t̄ si nolit designatus 7
à testatore suscipere executionem? Respondeo:
Potest compelli, etiam si testator id prohibuisset
in vltima voluntate c. tua nobis. de testamen.
Et quando quidem multi valde imprudenter
hanc regulam adducunt in forum: Panormi-
tanus rectissimè dicit, Pontificem Romanum
neq; in d. c. tua nobis. neq; alibi decernere,
quod episcopus ingerat se officio exequendi
contra mētē testatoris. Itaq; si in vltima vo-
luntate substitutus est alius in defectū execu-
toris, non succedit episcopus. Alioqui mune-

re suo defendenda vltimæ voluntatis fungi debet *l. nulli.* & *l. si quis ad declinandam. C. de epis. & cle. Nouella. de ecclesia. ti. 5. si quis autem pro redemptione.*

8 Quintum, quod t̄ autem dictum est de compellendo executore, sic intelligendum est: si expressè vel tacitè aliquid coeperit exequi, vel saltem ad tale munus suscipiendum consenserit. *argu. l. vxori. §. 1. ff. ad leg. fal. l. ex sententia. ff. de testa. tute.* Caterum inuitus, & re-integra, nemo potest compelli ad officium quantumuis pium: vt colligit Panormitanus ex *c. Ioannes, de testa.*

9 Sextum, omne tempus t̄ de exequendis testatorum voluntatibus, cedit è die scientiæ, & adita hereditatis. *si statu liberi. §. si quis heredi. ff. de statu. libe. l. fin. §. si autem dubius. C. de iure delibe. Panormitanus in c. nos quidem. de testamen.*

XX

De ratione ab executoribus reddenda. Titu. 8.

S Y M M A R I V M.

1. Administrator quiuis rei alienæ, tenetur rationem reddere, & num. 3. 2. R. 2.